

Kontuola

ANTZUOLA / Egubakoitza / 2005ko urtarrilaren 21a / 219. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Argiteria sistema berria jarri dute futbol zelaian

AINTZANE IRIZAR

Estala futbol zelaian eta harako bidean argiteria sistema berria jarri du Udalak. Aurreko astea ezker dago martxan sistema berri hori; horrela, aurrerantzean edozein herritarrek aukera izango du Estalarako bideko argiak pizteko, baita futbol zelaiko bertako argiak pizteko ere.

Orain arte futbol jokalariek eta Antzuola Kirol Elkarte arduradunek bakarrik zuten Estalarako bideko eta futbol zelaiko argiak pizteko aukera.

Udalak, baina, aukera hori herritar guztiei zabaltzeko nahi izan die, eta horretarako, argiteria sistema berri du.

Gauzak horrela, Estalarako bideko argiak piztu ahal izateko, hilerri ondoan jarri dute etengailu edo interruptorea. Sakatzen dugunetik 15 minutuz egongo dira farolak piztuta; ondoren, itzali egingo dira. Goitik behera etorri ahal izateko, berriz, futbol zelaiko aldagelen eraikinean, kanpoko horman dago etengailua.



Futbol zelaiko argiak edozein herritarrek pizteko aukera izango du aurrerantzean.

Orain arte AKE-ko kideek bakarrik zuten Estalako eta bideko argiak pizteko aukera

FUTBOL ZELAIAN ERE ARGIAK

Estala futbol zelaiko bertako argiak pizteko aukera ere izango dugu aurrerantzean. Aldagelen eraikineko horman dago horretarako etengailua ere. Estalako argiak bi orduz egongo dira piz-

tuta; denbora hori pasatuta, automatikoki itzaliko dira futbol zelai-ko farolak.

Era horretan, Udalak herriko kirolari eta pasean ibiltzen diren guztiei futbol zelaia erabiltzeko aukera eman nahi izan die.

LABUR

“600 euro baietz!” ekimeneko arduradunak datorren astean hasiko dira dirua batzen

Patxi Cabori etxebizitzaren mailegua ordaintzen laguntzeko antolatutako zuten bere lagunek *600 euro baietz!* izeneko ekimena, eta datorren astean hasiko dira dirua batzen. Aipatzekoa da, bestalde, hilaren 24an ekarriko dutela Patxi Arrasatera, medikuarengana.

HIRIGINTZA

Beheko Auzokoek kartelak jarri dituzte

A.I.

Beheko Auzoko bizilagunek *Denon artean erabakitze*ko. *Mortoria orain* dioten kartelak jarri dituzte balkoi eta leihoetan.

Era horretan, auzotarrek eskatu nahi dute Udalak esku artean dituen proiektuen gaineko erabakiak hartu aurretik, herritarren iritzia kontuan har-

dezala. Beheko Auzoan, plaza gorrian, etxebizitzak egitea eta Sagastin, berriz, Kultura eta Gizarte Etxea egitea zehazten dituzte Udalaren proiektu horiek.

Auzotarrek zera adierazi digute: “Gauzak beste era batera egiteko behar direla esan nahi diogu Udalari; horrelako proiektu garrantzitsuen aurrean, denon iritzia kontuan hartu behar dela”.



Aurreko astea ezker daude kartelak Beheko Auzoko balkoi eta leihoetan.

AITZ-GARBI



Pintxoak eta kazuelatxoak. Bazkariak eta afariak

Kalebarren 15. Tf. 943 78 70 51 ANTZUOLA

MUJIKA HARATEGIA



Berezitasunak: Etxean hazitako zekorrek eta oilaskoak

Kalebarren, 1. ANTZUOLA Tf. 943 76 64 34

LEKY-BERRI MERENDEROA

Janariak eta edariak

Tf. 943 76 60 94 ANTZUOLA



Juan Cruz

ARGAZKIAK
Ezkontza erreportaiak
Jaunartze erreportaiak
Momentuko argazkiak
Estudioko argazkiak

BITXITEGIA
Marrokeneria
Erlojuak, Bitxiak
Opari gaiak

Herriko plaza 4. Tel. 943 78 70 66. ANTZUOLA

ELKARRIZKETA

ANDRES GARCIA/BUDO-TAIJUTSU IRAKASLEA

“Budo-taijutsuk geure burua defenditzeko baliabide garrantzitsuak ematen dizkigu”

A.I.

Budo-taijutsu arte martzial ikastaroa hasiko dute otsailaren lean. Oraingo hilabeteko has-tapen ikastaroa egingo dute. Hilaren 27ra arte dago izena emateko epea, udaletxean. Andres irakaslearekin berba egin dugu.

Budo-taijutsu zer eratako arte martziala da?

Japonen du jatorria, eta gura-soengandik seme-alabetara pasatuz joan da; hain ezagunak egin ziren ninjek egiten zuren antzerako arte martziala da.

Zeini zuzenduta dago ikastaroa?

Oso oinarrizkoa izango da, hortaz, interesa duen edonondako egokia izango da. Dena dela, ume txikiendako ez da aproposa, ez luketelako behar bezala ulertuko arte martzial horren funtsa, oinarria, kontzeptua zein den.

Zein da, bada, oinarri hori?

Defentsa pertsonalerako artea


da, ez du biolentzia sustatu nahi, ezta gutxiago ere. Baina, era berean, ez da jolas bat, hori baino askoz serioagoa da.

Zer onura ekartzen dizkigu?

Alde batetik, defentsa pertsonalerako baliabideak ematen dizkigu eta horrek segurtasun handia ematen digu; nork bere buruarekin seguru sentitzen denak bere buruaren irudi ezberdina ematen du. Bestalde, gorputza lantzeko oso egokia da; elastikotasuna eta mugimenduen koordinazioa lantzen dugu, eta gimnasia asko egingo dugu.

Ezpatak eta makilak erabiltzen dituzue, ezta?


Bai, hala da. Egurrezko ezpatak eta makilak erabiltzen ditugu, baina, arte martzial hau, gainerako gehienak ez bezala, etengabe garatzen eta aldatzen doa; horrela, egungo gizarteari egokitu zaio eta ezpatez gain, eguneroko bizitzan erabiltzen ditugun gauzekin geure burua defenditzen ikasten dugu: ur botila batekin, giltzekin...



Zeuk zela ikasi zenuen budo-taijutsua?

Orain dela hamabi bat urte hasi nintzen Josean Iñarrarekin

lanean eta azkeneko urteotan Zumarragan dihardut budo-taijutsu arte martzialen irakasle bezala.



Espaloi gainean aparkatzea

Beheko Auzoan jende askok dauka espaloi gainean aparkatzeko ohitura; batez ere, tabernara joaten den jendeak. Horrek, noski, hainbat arazo sortzen ditu, auzotarren artean, bereziki. Behin baino gehiagotan gertatu izan da, esaterako, garajeetatik irte-teko arazoak sortzea.

Arazo horiek saihesteko eta maristen eraikina zegoen orubean aparkatzeko aukera dagoenez, Udalak kartelak jarri ditu, hori gogorarazteko. Orube hori Beheko Auzotik metro gutxira dago./A.I.

LABUR

“Garfield” eta “Los rescatadores” filmak asteburuan

Gaur, egubakoitza, *Garfield* filma eskainiko dute Olaran etxean, 22:00etan.

Domeka arratsaldean, berriz, umeendako saioa izango dugu, 16:30ean, Olaran etxeko aretoan. *Los rescatadores* filma eskainiko dute.

Haurreskola hilaren 31n zabalduko dute

Jarri dute dagoeneko Haurreskola zabaltzeko eguna; hilaren 31n, hain zuzen ere, hasiko da martxan zerbitzu berri hori herrian.

Aurrez, hilaren 29an edo 30ean, inaugurazio ekitaldia egingo dute; Jaurlearitzako zain daude eguna zehazteko.

EHEk sinadurak batuko ditu oraingo asteburuan

Antzuolako Euskal Herrian Euskaraz taldeak sinadurak batzen jardungo du oraingo asteburuan; osasun zerbitzua euskalduntzea eskatzeko izango dira sinadura horiek. Taldeko kideak bihar, zapatua, Zurrategin egongo dira, 18:30etik aurrera.

KIROLA

PARTIDUAK

FUTBOLA

Urtarrilak 22
10:00: Antzuola-Arizmendi (Infantilak)
12:30: Antzuola-Gasteiz (Neskek)
16:00: Antzuola-Bergara (Gazteak)

EMAITZAK

FUTBOLA

Donibane 1 Antzuola 4 (2. erreg.)
Antzuola 7 Axular 0 (Gazteak)
Zestoa 1 Antzuola 4 (Kadeteak)
Urki 1 Antzuola 7 (Infantilak)



IGELTSEROTZA

Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:

Fatxadak
Bainugela eta sukaldea
Lokal komertzialak
Teilatuak

Eta orain....
**GREMIOEN
KOORDINAZIOA**

SUKALDEKO ALTZARIAK
Harizki



Sukalderako eta bainurako altzariak
Altzari rustikoetan
espezializatuak

Zurrategi plaza 4, behea. ANTZUOLA. Tel. eta faxa 943 78 71 80